



IOANNIS
MANELPHI

ERETANI SABINI

In Almæ Urbis Gymnasio Pri-
marij Medicinæ Practicæ
Professoris .

De Parte affecta Pleuritidis.
DECERTATIO.



R O M A E,

Typis, LVDOVICI GRIGNANI. MDCXLII.

Superiorum Permissu .

11

1998

[illegible]



PRINCIPI EMINENTISS.D.

D. FRANCISCO

CARD. BARBERINO.

IOANNES MANELPHVS. F.



*S*OCRATES ille sapientissimus, ut refert Laertius lib. 2. sacrificia volebat quam minimis impendijs constare, quod Dij ut non egent rebus hominum, ita magis spectant affectus immolantium, quam diuitias. hac ergo fretus Socratica doctrina, audeo hanc decertatiunculam, Eminentiae Tuæ offerre, in qua de Parte affecta

A 2 plen-

pleuritidis differitur, morbi quidem acuti, perniciosi, ancipitis, praesertim verò in hac Urbe Roma, cuius valetudini perpetuò excubas. fidem faciant huius rei anteaëta tempora, nam grassante lue pestifera per totam ferè Galliam Cæsalphinam, Etruriam, atquè alias Italia regiones, tua quidem sedulitate Romam eiusque ditiones ferè cunctas incolumes servasti. Ego sanè qui tunc temporis, ex tua benignitate, per quatuor circiter annos interfui Congregationi sanitatis, miratus fui pluries magnos labores, quos perpeffus fuisti in illa auertenda peste. Mouent praterea ad hoc opusculum tibi dicandum etiam alie rationes, nempe quod duodecim abhinc annis adlectus fuerim inter magne Aule tue domesticos, tuoque
fruar

fruar pane, quo, & Simeon Bellus
 meus Sobrinus olim vescebatur: De-
 indè Tu ipse hanc disceptandi qua-
 estionem dederis causam, proptereà
 quod eligisti me Archigymnasij Ro-
 mani Lectorem, primum quidem Phi-
 losophia, mox verò practicè Medici-
 na. Atque postremò quod subditus
 esse dignus fuerim faustissimæ Domus
 Barberina: subditus verò spectat ad
 Dominum. Quare nulli alteri quam
 tibi debetur breue hoc opusculum. hi-
 lari igitur fronte suscipe, atque tuo
 patrocinio fouere ne desinas rogo.
 Vale.

IOANNIS ANDREÆ
MANELPHI

AVCTORIS FILII.




QUEM scripsit Pater ;
hūc defert tibi iure libellū

Filius : à nutu pendet uter-
que tuo

Mella quidem ille legit ,
dum Veri iura tuetur

Debentur, Princeps, nonnisi
mella tibi :



IOANNIS MANELPHI

ERETANI SABINI,

In Almæ Urbis Gymnasio Pri-
marij Medicinæ Practicæ
Professoris.

De Parte affecta Pleuritidis :

DECERTATIO.



IEBAT Cato Senior
stultos prudētibus plus
afferre utilitatis, quam

A 4 pru-

prudētes stultis. Prudentes enim dum facile vident errata stultorum eaque vitant, fiunt cautioreſ: at ſtultos non item, quia non vident, poſſe imitari, quæ à ſapientibus recte fiunt. Vt igitur cautioreſ ſe reddant prudentes Medici, circa curationeſ ægriorum, errata quæ vident ab alijs commiſſa maxime vitare debent, nec non propriam, novamque ſententiam proſequi: præſertim verò circa partem affectam morbi, nam ignorata quæ læditur parte, tota etiam corruit medicinae operatio. Quam igitur vulgaris ſententia ſit partem affectam pleuritidis eſſe membranam illam, quæ coſtas ſuccingit; nihilominus publice

blicè expendendo pleuriticum affectum superioribus annis dicebam hanc pulmonis ægritudinem esse , non autem membranæ costas succingentis ; idque magnorum virorum auctoritate fretus, vt inferius audietis. contra quam sententiam, insurrexerunt deindè Baldus Baldus Collega meus in quâdam epistola ad Renatum Morenaum, & Renatus idem in epistola altera ad Baldum Baldum ; vehementerque miratus sum Renatum Morenaum virum insignè, tantique nominis , quasi ægrè ferre, & veluti abhorreere nouas opiniones, mequè nouatorem appellare, & nihilominus Nouitates non sunt repudiandæ, inquit

quit Cicero de amicitia, & de orat. *Res magnitudine præstabiles, & nouitate primæ.* De nat. Deor. *nouitate delectamur, & copia.* *Nonna placent omnia* commune est adagium, præsertim verò si profint, quemadmodum neoterica hæc est sententia nostra, de parte læsa pleuritidis, neotericè inquam à nobis recensita, sed vetus, & antiquissima, vt inferius audietis.

Sed omisso pro nunc Morenao, quantum spectat ad Baldū Baldum, dubitabatur vtrum pars affecta pleuritidis sit membrana succingens costas, vt vulgaris est opinio, an verò pulmo? & primo loco probabamus membranam recensitam esse partem læsam

fam pleuritidis , ex eo quia id videtur docere Hipp. 1. de morbis propè finem, vbi expendendo distinctionem inter pleuritidem, & peripneumoniam, in hac inquit venæ distenduntur, quæ in pulmone sunt, in illa verò venæ, quæ sunt in latere.

Secundò Aræteus lib. 1. de signis, & causis morborum acut. cap. 10. sub costis docet, dorso, & internis pectoris ad iugula usquè tenuis membrana robusta quæ ossibus inherens substrata fuerit, ignis adest cum tussi, & sputis varijs, pleuritis morbus iste à Græcis appellatur. Et paulò inferius, quibusdam verò, & interga, & in dorsi scapulas dolor protenditur pleuritidem veteres

Græ-

Græci appellarunt, Latini verò morbum lateris, vel costarum. Eiusdem sententiæ ex vetustioribus fuerunt etiã Appollonius, Asclepiades, Erasistratus, Soranus, Cœlius Aurel. & alij: Inter cæteros autem Gal. 5. de loc. affect. cap. 3. affert quoquè rationem huius opinionis, nempe quia dolor in pleuritide est acutissimus, nec non arteriarum cū pulsatione dura, atquè ad modum ferræ: Acutus autem dolor membrana affecta exoritur, ut docet Cœl. Aurel. 2. acut. cap. 16. cum nervosæ naturæ sit membrana, atque lateribus infixæ, pulmo autem insensibilis. & 4. de caus. puls. idem Gal. pleuritis inflammatio est membranæ costas

stas succingentis, itaque febricitant acutè, quippè quia vicina est cordi.

Amplius Hippoc. 1. acut. context. 35. dissectis cadaueribus pleuriticorum liuidum latus inueniri ait. quare in latere, & costarum succingente membrana generatur pleuritis, vt contendebatur. cum etiam curata pleuritide, inflammatio foras, & ad cutim delata interdum visa sit, vt recenset Schenchiuss lib. 2. obser. med. obs. 97. Ex Marcello etiam Donato lib. 3. hist. mirab. cap. 9.

His argumentis à me allatis ad corroborundam magis magisque suam opinionem Collega meus, hæc alia addidit, nempe Hipp. 1. de morb. pleuritimi
fieri

fieri ait in carne , quæ est in latere . Primò acut. 3 5. tales fide-
 re putarunt, ob hoc quidem ma-
 ximè , non minus autem , quod
 & mortuis ipsis latus liuidum
 reperitur , vt simile quid plagæ
 appareat . lib. eodem primò de
 morb. in pleuritide legitur spu-
 ta exire , ac fieri à distentione
 venarum , quæ sunt in latere ,
 in peripneumonia verò earum ,
 quæ sunt in pulmone. In Coac.
 prænot. Hippoc. idem docet in-
 dicia ex quibus percipitur an
 vna sola affecta sit pars pulmo-
 nis , an verò vtræque : proindè
 pulmones in peripneumonia so-
 lum patiuntur ; in pleuritide ve-
 rò latus , siue lateris succingens
 membrana. Prætereà negari non

po-

potest membranam succingen-
tem ob sui magnitudinem, & ra-
tione situs, ac structuræ corripì
posse inflammationem, eaque
tali, ut ob viciniam cum corde,
febrem valeat excitare, dolorem,
inferre tussim, & difficultatem
respirandi adducere, pulsumque
illum durum, & ferrinum nun-
cupatum efficere; quod sanè a-
liud non est quam pleuritidem
lateris nimirum affectum con-
stituere. Si pleuritis etiam esset
inflammatio pulmonis non dif-
ferret à peripneumonia nisi se-
cundum magis, & minus, non
verò essentialiter, ut non differt
phrenitis si dextra tantum pars
cerebri inflammetur ab ea in
qua secundum ytramque par-
tem

tem accensio fit. Insuper ex Gal. & cunctis ferè anatomicis, pulmones incapaces sunt acerrimi, & vehementis doloris, ut est dolor punctorius, qui pleuritidem comitatur ex Gal. pluribus in locis, & præsertim 2. de locis affectis cap. 2. Docet quoque Hipp. in Coacis prænot. & 7. Aph. 1. 1. docent pariter ferè omnes antiquiores ex pleuritide dari transitum in peripneumoniam: quinimò Gal. 7. Aph. dicto ex peripneumonia fit transitus in pleuritidem: & nulla quidem alia ratione, nisi quia sedes dictarum affectionum diuersæ sunt. Lib. de affect. Hipp. pleuritidem ait, si est breuissima terminari septima die, peripneumoniam ve-

rò si est breuissima terminari in diebus quatuordecim. verifimile enim est acutiorem inflammationem citius terminari ipsa inflammatione minus acuta, vt esset pleuritis si in pulmone generaretur. Deindè in pleuritide mittendum esse sanguinem docet Hipp. vsquè ad animi deliquium, & vsquè ad sanguinis mutationem, quam sanè mutationem vanum esset expectare, si pleuritis in pulmone fieret, cum ex pulmonibus nihil sanguinis possit in venam cauam remeare. Et postremò experientia constat in cadaueribus pleuriticorum membranam solummodo reperiri læsam, non verò pulmonem. Quare membrana

B

dicta

dicta, nullo autem modo pulmones in pleuritide afficiuntur. & hæc sunt alia argumenta, quibus Collega meus conatus est probare partem affectam pleuritidis membranam illam esse, quæ costas succingit, non autem pulmones.

Quibus tamen omnibus non obstantibus verior sententia contraria est, nempe pulmones lædi in pleuritide, non autem primario membranam costas succingentem. Idquæ primum elucescit ex Hipp. in lib. de loc. in homine, ubi his ad vnguem verbis loquitur ex Iani Cornarij interpretatione: Cum in pulmone fluxerit ex capite per guttur, & aortas appellatas appendentes

par-

partes pulmonis, pulmo tanquã
natura rarus, & ficcus, trahit in
se humorem quantum eius ca-
pere potest, & vbi fluxerit maior
fit: & vbi quidem in totum flu-
xerit extremitas eius maior red-
dita vtrumque latus contingit,
& peripneumoniam pulmonis
appellatum morbum facit. cum
vero alterum tantum pleuritis.
Quid clarius? accidit pleuritis,
inquit Hipp. inflammato vno la-
tere pulmonis, generatur verò
peripneumonia vtroque latere,
ex eodem phlegmone obfesso.
Hunc verò locum perpendens
Collega meus, primò respondet
hæc cōtrariari ijs quæ alibi Hipp.
loquutus fuit, nimirum in pro-
gn. & Coacis prænot. in quibus

locis peripneumoniam legitur
fieri etiam altera tantum parte
pulmonis inflammata. Euoluen-
ti autem mihi librum prognost.
Hipp. id affirmare non videtur,
sed docere potius signa demon-
strantia, an suppuratio sit in vno
latere solum, siue in toto pulmo-
ne; nam si hæc superueniat peri-
pneumoniæ totus pulmo suppu-
ratus erit si autem pleuritidi vnū
latus solummodo, propterea quod
suppurati fiunt, aut ex pleuritide,
siue peripneumonia, docet Hipp.
in Coacis prænot. Neque obstat
quod ibidem Hipp. dicat perip-
neumonici si lingua tota alba ac
aspera sit, ambæ pulmonis par-
tes inflammatae sunt, quibus ve-
rò dimidium, vna iuxta quam

ap-

apparet; siquidem de maiori vel minori inflammatione hic intelligit Hipp., nempe si sit lingua aspera in vna tantum parte, in eodem latere pulmo inflammatus est magis, aut ex sententia aliorum Hipp. loquutum fuisse dicendum est; nam alias in peripneumonia totum pulmonē à phlegmone vexari præter Hipp. docuerunt Diocles, Asclepiades, Proxagoras, atquē Soranus cum Cœlio Aurel. Et Areteus lib. 6. cap. 1. agendo de curat. peripneumoniæ, Protinus inquit in cubito venæ aperiantur, siue vtraque in dextra videlicet, ac leua manu, quò ab vtraque pulmonis regione humiditatum reuulsio non tamen vsque ad

B

3

ani-



animi deliquium fiat. stragulum enim animi deliquium facit: ab vtraque pulmonis regione inquam reuulsio facienda est in peripneumonia, quoniam & vtraque pars in eadem vexantur. Hac verò tradita responsione non bene fortasse adæquatus intellectus aduersarij excogitauit aliam, sed imbecilliolem sanè, nempe cū Hieronymo Mercuriali dubitat de genuitate libri, & nihilominus meminisse debebat se adduxisse Cœlium Aurel. lib. 2. de morb. acut. cap. 16. qui hunc librum de loc. in homine tanquam genuinum Hipp. recipit, atque accroamaticum non verò spurium, & exotericum, vt idem quoque peregit s. tardarū
pas.

passionum cap. 1. Et Ruffus Ephesius in altero lib. 1. cap. 1. de corporis humani partium appellationibus, diuinissimus ait Hippoc. in lib. qui inscribitur de loc. in homine, sic loquitur: Quare de genuitate huius libri non est dubitandum, cum etiam Anutio Phœsio referente Plin. idem affirmer, atque alij plures. Proinde aliam responsionem indagando Baldus, cum Prospero Martiano ait Hipp. in lib. allato de loc. in homine intellexisse de pleuritide spuria, quæ consistere potest in pulmonibus, non de exquisita, cum eo loci loquatur de illa pleuritide, quæ à destillatione à capite exoritur. & fanè subiungit non de vera pleuritide in-

telligit Hipp. sed de spuria, & non exquisita, cum in vera non à capite, sed à toto, & à proximis partibus ad affectos locos procedat, atque non sola bilis, sed bilis, & pituita simul idem efficere possunt. Scire tamen exoptarem à Prospero Martiano cur pleuritis à destillatione non sit vera pleuritis, hoc etenim erat declarandum, cum etiam Hipp. pluribus locis contrarium doceat. Cur etiam cupio scire à Collega meo, pleuritis à toto, & partibus proximioribus sit magis vera, & exquisita, quam pleuritis à destillatione à capite? hæc quidem gratis asseruntur, gratis etiam negantur, & nullius probationis sunt. Quapropter more iacula-

torum, qui si vnica iaculatione non attingunt signum, saltem secunda, vel tertia, vt id assequantur iaculationes repetitas, necnon multas gerunt: sic etiam Collega meus vt satisfaciat partim saltem si non in totum suis cogitationibus, haud vnā sed plures responsiones tradit, metam verò nullam attingens. Rursum imaginatur Hipp. hic haud vniuersaliter loqui de pleuritide, & peripneumonia, sed particulariter, & de illa pleuritide exempli gratia siue peripneumonia, quæ à defluxione à capite ad pulmones exoritur. Concedit ergo quod in pulmone ex defluxione à capite fieri possit pleuritis. Quare pulmo est etiam pars affecta pleu-

pleuritidis, nam alias plures partes affectæ assignari deberent. Secundò potest responderi subiungit, Hipp. in præsentì textu alloqui ad modum, & consuetudinem vulgi, aduocantis eo tempore fortassè pleuritidem quandocumque dolor pungitiuus cū febre lateralem regionem vexat, non autem quia ex rei natura ita se res habeat. Attamen incertum est hoc quod responderetur, & sub dictione fortassis asseritur: fortassis ego etiam respondeo æquiuoca hæc loquutio non erat antiquo tempore, cum nullus ex Medicis vetustioribus id referat. Amabò vos audiuitis quot enunciauit Collega meus, quotque responsiones expiscari con-

na-

natus fuit ad hoc vt orbatam veritate redderet Hipp. doctrinam? Verum vt afferebat Cicero in orat. pro Cœl. ò magna vis veritatis, quæ contra hominum ingenia, calliditatem, solertiam, facile se per se ipsa defendat.

Post Hipp. verò Cœl. Aurel. referente lib. 1. acut. cap. 16. Herophilus quoquè existimauit locum affectum pleuritidis esse pulmonem, idque tribus præsertim rationibus si rectè memini: nempe primò quia in lateribus pleuriticorum nulla conspicitur extuberantia, neque dolor, aut rubor, vt in alijs tumoribus accidere solet, nullus inquit dolor adest externus vult dicere Herophilus, nam & pluries ipse etiam
hoc

hoc ipsum indagando, tangendo latus pleuritici dolorem à tactu nullum percipiebat. Secundò addit Herophilus, pleuriticos supra latus affectum facile decumbere, difficulter verò, & cum læsa respiratione supra sanum; nimirum quia in decubitu supra latus quod patitur, pulmo quasi in puluinari sustentatus iacet, pendet verò & in seipsum comprimitur in decubitu altero. Vel etiam possumus dicere respirationem non lædi decumbente pleuritico super latus affectum, quia pars pulmonis contraria libera est: iacente verò in latere opposito è contra non esse adeo liberam, verum potius à parte læsa, atque ad respirationem

nem

nem inepta comprimi, & interpellari . Postremò tussis est signum consequens ad morbum pulmonis non autem lateris, cū eidem nec venis, nec arterijs, neque fibris sit continuus.

His autem Herophili rationibus respondet etiam Collega meus, & quatenus ad primam ideò tumorem, ruborem, neque dolorem in affecto latere, pleuriticorū non apparere quoniam in alto, hoc est in interna lateris parte, & membrana hypozocota græcè appellata insistit phlegmo, præterquam quod falsum est etiam aliquando non reperiri extrinsecus tumoris vestigia, ut idem in fine capitis ait Cœl. Aurel. nec non Hipp. in 2. acut.

acut. docet exemplo fideratorũ.
Verum quid deperit ego nunc
dicerem, si inflammatio, vt dici-
tur, pleuriticis in internis lateris
partibus reperitur? an quia na-
tura etiam ex internis partibus
foras vsque ad cutim detrudere
non sit solita? id quidem pas-
sim, & in dies conspicitur: qui-
nimò supposita non tamen con-
cessa hac conclusione, quod in
pleuritide adsit inflammatio in
membrana hypezocota, dicerem
ipsi esse iudicationem faciliore,
profligando materiam morbifi-
cam ad latus deforis, & cutim,
quam eandem materiam trans-
mittere aperta primum mem-
brana laterali dicta, atque ma-
teria putrida descendendo in ca-
uita-

uitatem thoracis, postea verò intra pulmones detrusa, & tandem per tussim atque sputum eiecta. Audite quæso vias has naturæ quidē difficiliiores ad excernendam materiã assertæ pleuritidis causam, quam si ab interna lateris parte ad externam potrudat; Natura docta, nec non morborum medicatrix, vt docet Gal. 7. Aph. 54. parat sibi vias maximè conferentes, & faciliores, vt sanè esset in pleuritide ab internis lateris partibus ad externas, si in membrana costas succingente, vt inquit Aduersarius generaretur. Neque obstat, quod interdū etiam per hanc partem iudicata referatur, nec non ex Hipp. id dictum videatur, nam illa veluti si-

de-

deratio in pleuriticis est per acci-
dens, atque secundario; nec non
etiã possumus dicere si fortè for-
tuna ad cutim vsque interdum
delata fuit inflammatio, id non
accidisse in vera pleuritide, sed in
spuria atque in plegmone late-
ris veræ pleuritidi consimili. Ad
secundam quoque Herophili ra-
tionē respondens Baldus ait dif-
ficile iacere pleuriticos supra la-
tus non affectum quia expressa
inde materia se patientibus mē-
bris impartiens illaque disten-
dens dolorem facit, supra ægro
autem latere non ita ægrum af-
fligi, quia in tali decubitu ma-
teria morbifica straminum obie-
ctu, quasi pressa refugiat, atque
ex partibus affectis ad sanas re-
diens

diens dolorem non facit . Perbellè quidem hic loquitur, sed tamen nihil probatur : nam ut dicebat ad ultimum ex compressione apostematis pleuritici refugere materiam ex partibus affectis ad sanas ideoquè dolorem nō sentire, hoc in alijs apostematibus non experitur . sicuti etiam non capio ex decubitu contrario quāenam expressio eidem apostemati accidat, expressio namque fieri solet propter adærentiam aliarum partium, in casu autem nostro decumbendo æger super latus contrarium à partibus propinquis, potius alienatur apostema, quàm iisdem adhæreat siue propinquū euadat . Tertiò, & ultimo cum

C

Cœl.

Coel. Aurel., tussim idcirco fieri in pleuritide ait, quia compatiuntur succingenti membranæ vicinæ, atque contiguæ partes, & per pulmonem prætereà tussita sputa deferri, non quod in ipso generentur, sed quia in ipsum veniunt ex vicinis partibus. Verum dicuntur hæc non tamen probantur, nam sputa, tussunt pulmones, siue potius tussire valent propria ipsorum substantia affecta, absque eo tamen quod etiam partes viciniiores vexatæ sint; Et insuper affirmando pulmones sputa tussire in pleuritide, non tamen in ipso pulmone generari, neque etiam demonstratur, atque falsissimū est; video nempe ex pulmone-
bus

buseadem sputa immediatè proficiſci, ſenſu ipſo percipio, & proindè haud à ſenſu diſcedendo in iſdem quoquè pulmonibus, & ſputa generari, nec non etiam pleuritidem fieri aſſerendum eſt, Medicus enim docente Gal. eſt artifex ſenſatus, atque ubi ſenſus viget, ceſſet ratio, ne in illud Ariſtotelis decantarum Axioma indicamus, relinquere ſenſum, propter rationem imbecillitas intellectus eſt. Præter Hipp. & Herophilum huic ſententiæ aſtipulati fuere ex Neotericis Felix Platerius, Ioannes Zecchius, Marſilius Cagnatus Doctor meus, Aetius Clerus, nec non etiam Alexander Petronius, qui adeò huic ſententiæ addiſtus erat, ut in Ar-

chigymnasio Romano publicā quoque orationem olim habuerit super hanc rem, licet eiusdem Archigymnasij medicinę Lector non esset.

Omissis autem variorum Doctorum testimonijs, etiam rationes fidem faciunt pleuritidem non in membrana succingente costas generari, sed in pulmone, vt contendebatur; nempè quia veluti docet etiam Sener-tus in capite proprio, circum-circà pulmones est quędam mēbrana eisdem succingens, tenuis quidem, sed densa, ita ut eamdem nequē ipse aër peruadere valeat: est enim pulmo tanquam follis, illummet aërem, quem inspirat, respirat deinde, neque
alium

aliū locū petit prater pulmonis cavitatem, & cordis ventriculos. Et quod recensitam pulmonum externam membranam, neque etiam aër permeare valeat, experientia elucescit; immisso etenim canulo intrà tracheam animalis, atque aërem efflando, pulmones maximè tumescunt, id autem quia aër intra pulmones continetur, neque membranam ipsorum circumcipientem peruadere valet. Proinde cum neque aër membranam recensitam serpere possit, qua ratione materia in membrana succingēte costas existens, intrà eosdem pulmones ingredi potens erit? Respondet Collega meus subtilissimè, atque fufis-

C 3 fimè

simè quidem, primum diuersam
esse nationem mortui animalis,
atque viui, nam estò quod in
mortuo per pulmones ad tho-
racis cauitatem aër permeare
non valeat, in viuo tamen id
verum non est. Sed in mor-
tuo, nec non etiam viuo id plu-
ries ego periclitatus fui, atque
semper pulmones inflatos inue-
ni; nimirum quia aër, qui in-
spiratur intrà pulmones retine-
tur, neque alibi fluere valet. Præ-
terea hanc asserit dubitationem
animaduertisse Galenum com. 3.
in lib. de articulis, vbi sic loqui-
tur Hipp. At si circà costas ca-
ro, aut ictu, aut casu, aut reni-
tentia, aut aliqua alia de causa
huiusmodi contusa fuerit, multi
iam

iam sanguinem multū expuunt, ductus enim qui per obtentam vnicuique costæ inanitatem feruntur, & nervi, ex præcipuis corporis partibus ortum ducunt. Gal. in com. hæc oratio inquit memoria tenenda est vobis ob eos, qui in lateralibus morbis aliquam necessario ex pulmonis fibris pati opinantur: pulmonem enim cum inflammata costam attingat, aliquid ex inflammationis sanie cōtrahere inquirunt. at Hipp. nihil pulmone patiente, sed sola affectione in costis existente spueri non nullos sanguinem asserit. Quibus similia scribit etiam Gal. 1. de loc. affect. atque videmus ibidem subiungens, etiā conglutinatis cruen-

tis vulneribus, in spūto notas
 quasdam fluentis ex vulnere
 cruoris ad spaciū, quod inter
 pulmonem est, & thoracem.
 Præterea suppurati in hoc ipso
 spacio pus continere, & ipsum
 expuere, haud obscure viden-
 tur, atque ratione consentaneū
 est, vt eodem modo, tum cruor,
 tum pus ex thorace expuatur:
 Et 7. Aph. tex. com. 54. In quo
 nos scire oportet arbitrari Hipp.
 naturam semper si sit robusta,
 materiæ viam moliri, & inue-
 nire etiam si quam maximè cras-
 sa sit, & per exiles transitura
 meatus, quandò per ossa etiam
 abscessus fieri dicat. Verum enim
 verò ipse numquam inficiatus
 sum hæc Galenū agnouisse,
 scio.

scio quidem, & cuncta recensita ipsum docuisse non ignoro, atquè si non in totum, partim, saltem superius retuli. nihilominus in gratiam Hipp. nec non pro veritate patrocinandæ, liceat in præsentî à Gal. recedere. Et proindè estò, quod natura paret sibi vias, nec non per ossa etiam, & angustiores partes abscessus moliatur; nihilominus alia est ratio ossium, quorū partes continuæ sunt, alia verò pulmonum, & membranæ succingentis costas, quæ disiunctæ sunt, neque ullam inter se continuitatem habentes. Sicuti etiam liceat inficiari quod materia intra thoracem contenta per pulmones expurgari valeat: suppurati quidē

ex-

expuunt materiam interdum
purulentam, at illam, quæ in-
tra pulmones reperitur non ex-
trà, vt alibi cum de suppuratione
melius fortasse discutiemus.
Ego quidē olim incertus, atque
de hac re valdè dubius, interfui
pluries curationibus in thorace
vulneratorum, & materiam in
thoracis eiusdem cauitate stabu-
lantem, nunquam obseruavi per-
tussim, vel sputo excretam; præ-
sertim verò vulneratus in tho-
race hic Romæ vir quidam ap-
pellatus Andreas Necchus, cuius
curationem exercebat Michael
Herculinus Chirurgus Xenodo-
chij sancti Spiritus, sæpius à me
rogatus vt tussim moliretur, nū-
quam tamen thoracis materiam

ex-

excernebat: quemadmodū inie-
cta pluries mulsā intra vulnus,
percunando ipsum de sapore,
vtique nullum in ore percepisse
saporem eiusdem mulsæ fas-
sus fuit. hæc sunt experimen-
ta, quæ hic in Vrbe sapissimè
haberi possunt.

Quod verò circà hanc diffi-
cultatem mihi negocium maxi-
mè faceffitat, est Hipp. senten-
tia superius recensita, contusa
carne circa costas ex plaga, aut
casu, aut ranixu, aut alia re, multi
copiosum sanguinem expuunt;
cuius sententiæ rationem red-
dens, quoniam subiungit ductus
feruntur, & nerui per inanita-
tem costarum ex præcipuis cor-
poris partibus. sed aduerte ami-

ce mi à principalioribus partibus inquit Hipp. non pulmonibus, ex quibus ad costarum cavitates nulli feruntur ductus, nè pè venæ, & arteriæ, quas sanè vias neque vllus ex anatomicis recenser.

Sed de Hippoc. sententia pronunc quidquid sit, audiat aliã rationem à sensu pariter deductam; in lib. de vulneribus docet Hipp. aërem, qui ex vulnere thoracis fluit, non esse illum aërem, qui intrà pulmones inspiratus fuit, at illum, qui per idem vulnus intrà thoracis cavitatem ingressus fuerat, quam sententiam refert etiam Collega meus; ne scilicet detur vacuum in cauitate thoracis, cum ex alió

lo-

loco hùc aër fluere non valeat per os vulneris ingreditur, vt audiuiſtis, quod fanè neceſſarium non eſſet, ſi ex pulmone in thoracis cavitatem ingrederetur aër, vt falſò Riolanus ait lib. 3. Anthropogr. cap. 11. Prætereà ſi vulnus thoracis adaper̃tum relinquatur, tanta copia flatuum per idem ingreditur, vt ſuffocentur ægri interdum, ſicuti Nicolaus Larche Chirurgus ſiſſimus hic Romæ mihi retulit, nempe quia per pulmones tranſmitti non poteſt; nam alias ſi ille aër intrà pulmones ingredi valeret, fanè per eoſdem tranſmitteretur etiam, nequè ægros ſuffocari natura dimitteret.

Ad argumenta nunc in contra-

tra-

trariū allata tranſeamus, Hipp. 1. de morbis pleuritim fieri ait in carne, quæ eſt in latere. ergo pleuritis fit in latere negatur, primariò ſiquidem in pulmone generatur, non in thorace. Inferius verò, in pleuritide ſputa emanare ac fieri inquit à diſtentione venarum quæ ſunt in latere, in peripneumonia verò earum quæ ſunt in pulmone. Proſectò haud inficiar Hippocratem in hoc primo de morbis affirmare quod pleuritis fiat in latere, atque peripneumonia in pulmone, quemadmodum vulgaris eſt opinio; at circà libros de morbis audiamus Gal. com. in lib. 2. de rat. victus in morbis acutis 38. Digna Hipp. mente non ſunt,

sunt, quæ de morbis, & affectio-
nibus scripta subdit, quamquam
multa bona in eis scripta sint, &
lib. 3. de articulis 18. de primo
libro præsertim verba faciens,
Liber primus de morbis inquit
non rectè inscribitur, cuius ini-
tium est, qui utiquè interroga-
re de curatione rectè velit, ro-
gatusque respondere. Quare non
me puduit, neque pudet dicere
Hipp. alia scripsisse cum esset iu-
uenis, alia verò alijs temporibus;
loquutus fuit verba hæc etiam
Diuus Hieronymus, *cum essem iu-
uenis inquit loquebar ut iuue-
nis*: Insuper alia scribebat Hipp.
ad memoriam, alia ad ingenij
exercitationem, alia verò ad do-
cendum. si rectè perpendamus
quæ

quæ in hoc primò libro leguntur, sanè nullam, aut paucam habent inter sese connexionem, prorsus ordine carent, atquè veluti ad memoriam conscripta videntur, non autem ad docendum, vt ille liber est, qui de locis in homine dicitur. In primò acut. pleuriticos docet idē Hipp. interdum fuisse inuentos cum latere liuido, vt simile quid plagæ appareat. Quare pleuritis fit in latere, primariò negatur ficuti superius dicebamus, namque primariò in pulmone generatur non in latere. Neque præterea negauerim membranam costas succingentem corripì posse aliqua inflammatione, at illam ex Hipp. haud vocari pleu-

pleuritidem. si autem à me quæ-
rat aliquis quo nomine appel-
landa sit, non proprio nomine
insignitam fuisse responderem,
& propterea communi vocabu-
lo inflammationis nuncupandâ
esse, nempè inflammatio lateris,
hoc est nomen huiusmodi af-
fectus. Quod verò pulmones in-
capaces sint acerrimi, atque ve-
hementis doloris, vt amplius ar-
guebatur, Hipp. contrarium do-
cuisse respondemus; nam 2. pro-
gn. 43. In pulmonis legitur co-
stitarumque doloribus, sputum
celeriter, & facilè eijci oportet.
primò de morbis, cum erisipelas
in pulmonem corripit, dolor sit
acutissimus. Primò, & secun-
dò de morbis in tuberculo pul-

D

mo-

monis, in pulmone ad latus pro-
lapso, in pulmone inflammato,
& in pulmone præ calore tu-
mente dolores accidunt acutissi-
mi, vt idem quoquè legitur in 3.
de morbis, in Coacis, & alijs
quamplurimis locis quæ breui-
tatis causa omittuntur. Suadet
quoquè idem ratio, nam vt di-
cebatur superius, membrana
pulmones circumcingens densa
est, atque dura; igitur acutissimi
etiam sensus, atque si distenda-
tur sensus, & doloris non est ex-
pers, vt docet Petrus Forestus
lib. 16. obs. med. obs. 43, in schol.
nonnè adfunt in pulmone ve-
næ, & arteriæ plurimæ, partes
quidem membranosæ, nec non
exactissimi sensus? Marfilus Ca-

gna-

gnatus Doctor meus præstantissimus dum Romæ hanc profitebatur sententiam, retulit historiam curationis cuiusdā Ianuarij nomine appellati, qui assiduis, atquē acutissimis doloribus vexabatur in regione pectoris, & cum iisdem periit; dissecto postea cadauere, in parte dextra pulmonis repertus fuit ingens atque magnus abscessus suppuratus, nec non pure refertus. Ego pariter habui præteritis diebus sub mea curatione Reuerendum Patrem Vanicolam Iesuitam in Collegio Romano, ubi ego iam per multos annos medicinam facio, cui rupta vena pulmonis cum sanguinis reiectione copiosa, in parte dextra thoracis do-

lores quoque acutissimos sentiebat, similes casus obseruavi mil-
lies vt ita dicam. Sed quid opus
est alijs? dum aër frigidus siue
calidus inspiratur, sentitur qui-
dem exactissimè ab inspirante
pulmone: iucundum, & triste
sentit quidem pulmo, nemini
dubium est. Ergo etiam & do-
lorem, nam dolor tristitia quæ-
dam est, sicuti & voluptas iu-
cundum: vbi autem hæc sunt etiã
sensus adest cum Arist. 2. de ani-
ma contex. 20. vbi autem adest
sensus adest etiam & dolor, pro-
pterea quod dolor ex Aristot. 6.
Topicorum tristitia quædam est,
quæ sentiendo percipitur. Qua-
rè sentit, & dolet pulmo quid-
quid in contrarium asseratur:
do-

dolet inquam acutè, & vehementer, sicuti, & acutè etiam sentit ut probabatur. Præterea afferebatur Hipp. in Coacis 1. & 2. de morbis 7. Aph. 7. quibus in locis ex pleuritide legitur fit transitus in peripneumoniam, id què nulla alia ratione, nisi quoniam diuersæ sunt partes affectæ dictarum affectionum, dicit Collega meus: Diuersæ quidem sunt ut què ego affirmo, quia scilicet in pleuritide afficitur latus pulmonis, in peripneumonia verò totus pulmo, ut Hipp. docet in lib. de loc. in homine. an ex latere pulmonis ad aliud latus inflammatio extendi non valeat? nequaquam certè. Hipp. amplius docet mittendum esse sanguinè

ad animi vsquè deliquium, nec
 non eiusdem sanguinis mutatio-
 nem, quam sanè mutationem
 vanum esset expectare, inquit
 Baldus, si pleuritis in pulmone
 fieret, cum ex pulmonibus nihil
 sanguinis possit in venam cauā
 remeare. Verum si Hipp. verba
 benè perpendantur, nequaquam
 sanguis ad coloris mutationem
 ducendus est; ad mutationem
 coloris inquam, nam, & de hac
 verba textus intelligenda sunt,
 non autem de quacunque mu-
 tatione: *Ἐ μὴ ἔκνην συχνὸν ἀπαρεῖν τὸ
 αἷμα ἵως καὶ ἐρυθρότερον πολλῶ ῥύη. ἢ αἰτὶ
 καθαρεῦ καὶ ἐρυθροῦ πέλιον. ὁμοτίρα γὰρ
 γίνονται.* hæc sunt propria Hipp.
 verba 2. acut. tex. 10. quæ ita, &
 non aliter legenda sunt, & non

ex-

- expectes copiosū auferendo sanguinem, donec multo rubicundior fluat, aut pro sincero, & rubicundo liuidus, ambo enim hæc fiunt: Aut quatenus dictio *δεχρην* dubites legenda sit, quemadmodum plurimi Medicorum aiunt *μὴ* alterā dictionem ascititiam esse dicere valemus, atquæ Hipp. verbis fortassè superadditam. Quare *εἰς δεχρην* legendum est, nempe & dubites sanguinē auferendo expectare donec multo rubicundior fluat, aut pro sincero, & rubro liuidus. Non igitur mutatio coloris sanguinis expectanda est in phlebotomia, & per consequens nulla prorsus ratio est, quæ in contrarium adducebatur: cum etiam ex Arateo

iners sit huiuscemodi mutatio;
 iners inquam, propterea quod
 non semper sequitur copiosam
 sanguinis missionem, & sæpè se-
 pius in principio ipsius euacua-
 tionis accidit, ex eodem Aræteo,
 & Cœlio Aureliano. quinimò
 sanguis, cum euacuatur, sem-
 per deterioris est coloris in prin-
 cipio, quam postea. Relinquo
 plura dicenda circa hanc muta-
 tionem cum Deo fauente scho-
 las trietericas, siue triennio le-
 ctiones medicinæ practicæ in lu-
 cem edam. Ad suæ verò opi-
 nionis corroborationē affert sub-
 indè Baldus experimentū, nem-
 pè in pleuriticis dissectis inuen-
 ta est membrana succingens so-
 lummodò læsa, nullo autem mo-
 do

do pulmo: Ego autem è contrà dico in plurimis alijs inuenti sūt pulmones læsi, non autem mēbrana succingens costas, aut saltem magis, sicuti Schenchi-
us refert ex Felice Platerio 2. obs. med. 44. Pleuriticorum duorum in-
quiens Platerius sectioni adhibi-
torum cum examinarem costas,
succingentem membranam ma-
culam tantum liuidam in ea de-
prehendi, illiquè affixos pulmo-
nes, qui ægrè ab ea non nisi lace-
rando auellebantur, eosque po-
tius, quam succingentem mem-
branam affectos. Attende Lector,
nam hic qui loquitur est Plate-
rius vir celebris, ingenuus, & sinè
vlla animi passione circà hanc
quam expendimus quæstionem.

Ne-

Nequè prætereà obstat quod Hipp. in lib. de affect. dicat pleuritidem si est breuissima terminari septima die, peripneumoniam verò si est breuissima terminari in diebus quatuordecim: atque ità vt ingeniosè ait Baldus, verisimilius sit acutiorem inflammationem terminari citius ipsa inflammatione minus acuta, vt esset pleuritis, si in pulmone generaretur: siquidem hæc verba protulit Hipp. de pleuritide, non peripneumonia, de qua subsequenter agit. Secundò iudicatur inquit Hipp. pleuritis si est breuissima septima die, longissima verò decimaquarta die: iudicari autè differt à terminari, vt paulò infra docet Hipp.

Iu-

Iudicari asserens in morbis est, cum morbi augescunt, aut marcescunt, aut in alium morbum transeunt, aut desinunt. Et quatenus terminari etiā diceret Hipp. dictio terminari tam intelligitur in bonam partem, quam in malam, (licet antonomastice in bonam partem accipiatur ut plurimum) in bonam partem verò nunc assumēdo verba Hipp. utique peripneumonia diutius iudicatur, quam pleuritis, propterea quod fortior necnon maior affectio difficilius profligatur, quam affectio leuior, & mitior, ut sanè peripneumonia est respectu pleuritidis. Insuper pleuritis citius etiam iudicatur, quā peripneumonia, ex eo quia pulmo-

mones minus læduntur à pleuride, quam peripneumonia, atque peripneumonia totum pulmonem vexat, pleuritis verò vnā solummodò partem ; difficilius verò propellitur materia, vniuersam corporis partem lædens, quā partem partis . Exempli gratia, in pluuiarū multitudine febres longæ fiunt, inquit Hipp. 3. Aph. & Gal. reddens rationem huius sententiæ, quoniam scilicet multa humiditas nisi longo tempore consumi non potest. Ità etiam possumus affirmare in casu nostro, diutius iudicatur peripneumonia, quam pleuritis, quia scilicet peripneumonia generatur à maiori quantitate humorum quam pleuritis. Maior vero

rò quantitas humorum nisi longo tempore debellari non potest. Et postremò cum dicitur non posse fieri pleuritidem in pulmone, quia non differret à peripneumonia, sicut non differt inflammatio vnius partis cerebri ab inflammatione totius, nã utroquẽ modo phrenitis appellatur. Primò quidem responderetur, diuersam esse valdè rationem cerebri à pulmonibus, siquidẽ partes pulmonis magis disiunctæ sunt, quam partes cerebri. Et deindè nomina sunt ad placitum, atquẽ diuerso nomine, non autem sub eodem comprehendere has affectiones antiquioribus placuit.

Quamquam verò hæc satis, atquẽ

què ad satietatem dicta aduersario esse deberet, nihilominus pro corroboratione huius Hipp. nec non verissimæ sententiæ accedamus nunc ad alia argumēta quæ in contrariū afferebantur: nempe probabatur in principio membranam costas succingentem esse locum affectum ex eo quia in pleuritide adest pulsus durus, nā si pulmo afficeretur esset mollis. Id primò negatur quod supponitur, siquidem in pulmone adsunt membranæ, venæ, & arteriæ, quinimò ex Aræteo cartilaginosa, & per consequens duriores, quam in nonnullis alijs partibus; atquè ita secundum communē sententiam ex hoc capite, etiam pulmone inflammato pulsus durus

rus effici potest . Sed nugæ sunt
hæ crede mihi Lector, multa qui-
dem leguntur apud Doctores, quæ
tamen veritati, neque therapeu-
ticæ correspondent: ego non ne-
gauerim inuenisse pleuriticos in-
terdum cum pulsu duro, sed raro
rarissimè, atquè plus mille curavi
pleuriticos sine pulsu hoc duro.
nunc ad præsens in Cœnobio sã-
cti Andreæ ad Montem Quirina-
lem habeo nouitium Iesuitam la-
borantem pleuritide, genuina,
exactissima, exquisita, cui tamen
è contrà pulsus est mollis nõ du-
rus, fidem faciant iuuenes mei or-
natissimi, qui praxim adipiscen-
di gratia mecum accedunt. Pulsus
durus reperitur in illis, qui ema-
ciati sunt, & quasi tabidis pleuri-
ticis,

ticis, in succiplenis verò, & non exiccatis, mollis adest non durus, præsertim verò hic Romæ vbi corpora scâtēt humiditate. Adest pulsus durus inquit ex eo quia membrana in pleuritide afficitur. An quia cum membrana inflammata assignari non valeat etiam mollis arteriarū pulsatio? sanè id inficiari non potest, cum parum aut nullo modo consentiant inter se membranæ, & arteriæ: siquidem hæ à corde illæ verò à capite originem trahunt, atquè membrana succingens costas dextri lateris nullū aut paucū consensum habet cum arterijs sinistri; dextra enim cum dextris, sinistra cum sinistris consensum habent, vt Vessalius docet lib. 4.

cap. 14.

cap. 14. suæ anat. Credimus autē venarum pulsui tanquam fallacissimæ rei, insuper Cornelius Celsus asserebat, & si vnquā fallaciam inferunt Medicis arteriæ, maximè in pleuritide, quæ in pulmone generatur Cordi propinquo. Sed omittamus hunc pulsum durum, nam ego nunquam mihi persuadeã, quod inflammatio membranæ in pede, exempli gratia existentis, sit causa pulsus duri, pulchrum est hoc imaginari non scire, cum nequè rationi, nequè etiam sensui congruat. De eodem pulsu dicebatur quod ferrinus in pleuritide adsit, qui etiam ad inflammationem membranæ subsequatur. Ego hæc sciebam cum essem in Tirocinio

E me-

medicinæ, nescio igitur quâ ratione fretus Baldus dixerit me ignorasse hanc differentiam inter pulsum durum, atquè ferrinum. sed de hac differētia quidquid sit, paucū scire est hoc, pulsum ferrinum dicebat Gal. se qui inflammationem pariter arteriarum cordis. atquè ità etiam pulmone affecto cordi propinquissimo pulsus ferrinus adesse potest, nequè ex hac arteriarū pulsatione colligitur quod mēbrana non pulmo sit pars affecta pleuritidis. Prætereà in contrarium afferebatur Marcellus Donatus lib. 3. hist. mirab. cap. 9. vt refert Schenchiū 2. obs. med. 97. qui asserit pleuritidē externis remedijs curatam fuisse interdum, &
foras

foras ad cutim cū medicamentis
delatam. verum id accidisse ex
phlegmone thoracis responderē,
non autem vera pleuritide. Simi-
lem casum præter Marcellū Do-
natum refert Schenchiſ 2. dicto
obl. med. 95. & Gal. quoquē id
docentem ait 5. de loc. aff. cap. 3.
nec non idem obseruasse refert
Amatus Lusitanus Zoilum Glo-
riosum in muliere quadam, sicuti,
& Rondoletius etiam idem te-
statur. Verum vt dicebam, non
veram pleuritidem itā curatam
fuisse assero, sed spuriam, atquē
thoracis inflammationem. Vlte-
rius afferebatur Gal. 5. de loc. af-
fect. cap. 3. qui ait vulneratis in-
thorace, & conglutinatīs vulneri-
bus nonnunquā quasdam notas
.. fluen-

fluentis ex vulnere cruoris in sputis conspici: Ergò quia pulmones in se trahunt à membrana succingente costas, negatur; sed conspici cruorem responderi potest, quoniam, & pulmones etiam in hoc casu vulnerati sunt fortassè. Et postremò suppurati per sputum expurgantur sæpe sæpius. At suppurati intrà pulmones respondemus, non autem extrà vt superius dicebamus: nã si aliqua materia intrà thoracis capacitatem reperiatur, sciat Collega meus doctissimus per pulmones, & sputum nequaquam excerni valere, sed sola tantum intrà primam, & secundam costam sectione. Et hæc currenti calamo satis sint dicta.

E R R A T A.

pag. 23. Plinius

pag. 33. sentire

Pergamenus

sentiri